

欽定戶部漕運全書

欽定戶部漕運全書卷九十三目錄

海運事宜

海運經費

海運經費

一浙江海運抵津撥運喫緊已到經費  
用其餘備解銀兩尙未咨報起程經驗米大臣  
奏准將天津關稅項下撥解南河銀二萬六千  
兩暫行截留應用仍由浙江巡撫於海運經費  
內扣出銀二萬六千兩就近解往南河交納還  
款  
咸豐三年

一江蘇省咸豐五年起歷年海運章程均以河  
運經費作爲海運開銷此項經費在於節省給

丁漕贈銀內儘數動支如有不敷卽在於節省  
津貼項下湊足嗣經該督撫於同治四年奏定  
海運漕白糧米每石覈計支銷庫平銀七錢沙  
船水腳神福犒賞等七款每石給銀四錢二分  
八釐一毫在於節省給丁餘耗及贈五盤春行  
月等米價項下抵支並將各衛幫屯折津租撥  
補其南北局及津撥腳價坐糧廳箇兒錢並在  
津收買餘米各項經費每石酌派銀二錢七分  
一釐零均由蘇松道庫漕項銀內動支並在於

隨漕費錢內易銀湊抵缺費經部議准每石不得過七錢之數

一海運漕白糧起卸南省應解通津貼經紀箇兒錢銀定例每米一石給銀二分七釐爲運米腳價之用咸豐三年經戶部議裁減一半每石改給銀一分三釐五毫嗣因辦運不敷經倉場奏請比定例裁減七釐較部議加增六釐五毫酌中定擬每米一石以二分爲斷永遠遵行所溢墊發銀一萬六千二百六十五兩零統在軍

白糧經紀應領腳價每兩扣出六分平餘及新章腳抗價扣減二成銀內按年儘數扣繳清款

咸豐

五年

一江浙海運漕糧籌備米石係正漕之外另籌之款所有津通撥價未便照正漕支給酌照採買米石成案運撥津貼每百石按八兩一錢之數開銷以歸撙節仍以平斛計算由江浙總局查明應需銀兩解交天津道庫發給其通壩應需筒兒錢銀亦由江浙總局照海運成案解往

咸豐

六年

一浙江省漕米除減額外共存正耗米七十萬三千餘石除給商船耗米五萬餘石外每石以八錢覈計約需運費銀五十二萬兩准於額徵漕截並減存行月南月各米變價及杭嘉湖等府行月食米折徵甯紹等府本折月糧等款銀兩提用共覈銀四十九萬七千餘兩如全漕起運之年再有不敷於漕務項下撥補其一切運費應令力求撙節不得以每石八錢卽爲開銷

定額如有贏餘報部候撥

一浙江杭嘉湖三府漕額已奉覈減其應徵漕  
截銀兩奏准照舊辦理毋庸覈減計減漕米二  
十六萬六千七百六十五石六斗三升二合內  
除改漕正耗給予行月等款耗米五萬一千四  
百六十六石五斗九升四合向不徵收漕截外  
計減正兌正耗共米二十一萬五千二百九十  
九石三升八合按每石三錢四分六絲覈計減  
漕項下應徵漕截銀七萬三千二百十四兩五



錢九分一釐浙江巡撫咨明專列一款併歸海  
運支銷經戶部議准令於漕項奏銷冊內另立  
款目按年題報

以上同  
治四年

一同治五年欽奉

上諭馬新貽奏海運商船賠累請酌加水腳並請飭產  
船地方雇船協濟一摺近年海運漕糧均係借資商  
船該商等承運官糧往返動逾半年費用加增每多  
賠累自應優加體恤以廣招徠著准照馬新貽所請  
此次海運封雇各商船於例給水腳之外每石酌增

銀一錢五分以資津貼浙江本屆新漕米數較增尤  
須多備船隻俾敷裝運著直隸總督山東巡撫卽飭  
產船各地方官儘數挑選堅實東衛等船趕緊駛赴  
上海協運俾免貽誤餘著照所議辦理該部知道欽  
此

一江蘇省緩缺南糧局恤等米每石折銀一兩  
開放以漕費錢文儘數抵支並以本款津貼及  
節省餘耗糶變一律補足由司道派撥經理覈  
實報銷嗣於同治五年因運費不敷將漕費錢

文抵補運費此項缺額米石卽將南恤等米糶  
變餘賸之款抵補嗣後各年均循照辦理

一蘇省漕糧改由海運雇募沙衛等船裝運每  
裝米一石給水腳銀四錢自道光二十八年歷  
經照辦嗣以商力拮据船身需資修艚經兩江  
總督奏准自同治五年起每裝米一石酌增水  
腳銀一錢五分東甯各船一律支給諭令船商  
承領分派大加修整不准草率裝飾所增水腳  
卽在徵解道庫四分漕項內就款動支如有不

數再於司關各庫暫爲籌墊俟四分漕項徵有

成數提還歸款

同治五年六年

一杭嘉湖三屬統計月糧本色折徵共正耗銀二千六百八十六兩一錢三分八釐遇閏之年共徵銀二千九百十二兩九錢八分四釐此項銀兩提歸海運經費之用

一浙江省海運商船每石原給銀四錢之外加給銀一錢五分永遠實給以資修艚所加銀兩在於杭嘉湖三府折色行月糧正耗及車夫丁

字沽經費暨衛所解存津租等款項下撙節動

支以上同  
治六年

一天津海口時有輪船往來浙省漕船駛進津沽河面狹窄恐有碰撞沈失之虞請於天津大沽口岸添設外局分派員董派撥巡船照料經費較前不敷經戶部議准除原給運費入錢及加增水腳一錢五分之一外每石再加銀五分於給丁津租及行月等款內酌提抵支不准動用別款如所用不及五分卽接實用之數開報

同治

七年

一江浙海運漕糧自津運通均責成經紀承起承交由直隸總局派給撥船裝載因經紀有承交之責每米百石由南省籌添經紀耗米一石五斗撥船並無承交之責每百石僅給食米一石一斗五升咸豐七年戶部奏定章程撥船虧短米石經撥各半分賠經直隸總督奏撥船既有承交賠補之責請於南省漕項內籌添撥船耗米無論正漕籌備每百石照經紀米數酌減

卽按食米之數給予一石一斗五升隨正交倉  
俟運米完竣設有短欠先照常追比船戶如實  
在無力賠補查明短欠數目卽在交倉之耗米  
劃抵嗣經江浙兩省各督撫奏准因漕項竭蹶  
自同治八年爲始備辦一半無論正漕籌備每  
百石給予撥船耗米五斗七升五合在於餘米  
內就數提出隨正交撥運通

同治七年  
入年

一江北各屬海運漕糧南北一切用款准將給  
丁耗米一項留抵運費不准動用司庫別項以

示限制而節經費

一江北各屬漕糧正兌加三耗內例有船耗五  
升改兌加二五耗內例有船耗八升向係給丁  
之款上屆海運初次創辦將此項耗米一併備  
帶起運奏明准其更正留有餘米存倉備抵在  
案今屆江北漕糧海運所有節省給丁耗米仿  
照蘇浙兩省歷屆章程歸入海運案內抵支運  
腳等費毋庸起運其江北淮揚通三屬同治七  
年分應徵熟田漕糧除撥抵兵糧外實該起運



米六萬五千六百九十九石五斗一升四合五  
勺內正兌正米三萬五千七百四十石四斗六  
升五合八勺加二五秬米八千九百三十五石  
一斗一升六合三勺改兌正米一萬七千九百  
六十九石一斗七升三合加一七秬米三千五  
十四石七斗五升九合四勺又江甯府屬向有  
漕糧之上元江甯句容江浦六合五縣於抵徵  
錢文內採買米二萬四千石以上共該起運交  
倉米八萬九千六百九十九石五斗一升四合

五勺查照向章按漕斛採買交倉亦歸漕斛現  
用部頒小口鐵斛製造木斛由糧道較准發交  
買米各員應用仍令各備樣米俟交兌沙船時  
呈驗加貼印花帶赴天津以便較兌

一天津撥船食米每漕米一石給米一升一合  
五勺通倉經紀秬米每石給米一升五合此項  
經耗係由津運通亦須照給撥食至本居戶部  
議增撥耗經各糧道以經費支絀每百石祇能  
籌給五斗七升五合此外每石備帶餘米二升

隨正交倉又沙船耗米每石給米八升此次江  
北海運及江甯府屬採買米石共起運交倉正  
耗米八萬九千六百九十九石零約需經撥食  
耗及新增撥耗等米二千九百十六石零沙船  
耗米七千一百七十五石零籌備二升餘米一  
千七百九十三石零照章一律備齊本色解滬  
兌交隨正運津至沙船耗米原備船戶飯食及  
到津或有折耗彌補之用如有盈餘由官收買  
咸豐五年復議於此項耗米內限定撥出三成

由津局按照市價收買自應照辦該沙船僱敢  
於裝兌後私行糶變或到津顆米無交查出分  
別嚴究

一沙衛等船每裝米一石給水腳銀四錢嗣因  
商船困苦修脩需資奏准每石加給銀一錢五  
分連神福犒賞等七款每石給銀五錢七分八  
釐一毫江北本屆海運應仍照章發給已將應  
需銀數解由滬局俟船隻備齊分別轉給

一天津官撥每百石給撥價雜費銀八兩四錢

四分七釐三毫民撥每百石給銀九兩八錢八分四釐八毫箇兒錢每百石給銀二兩本屆江北海運自應照章辦理此外津通經費除輕齎蓆木銀兩由糧道衙門照例批解外其津局用項在津收買沙船餘米各款難以豫定擬照成案備帶至沙船水腳及一切經費係在漕項本折及採買米價贏餘款內動支今屆米數較增辦理本形短絀加以新增撥船耗米廢計不敷甚鉅應將節省給丁耗米照蘇浙兩省海運章

程儘數留充運腳及抵支新增撥耗等用其江甯府屬採買米石所需運費係在抵徵項下撥用一切均照正漕章程支銷

一應解隨漕銀兩經倉場奏請籌備抵正米石應解隨漕銀兩照正漕一律批解等因業經江安糧道咨准蘇浙糧道覈議如存倉籌備餘米抵作正漕者其廳倉茶果各款按正漕批解如籌備餘米不抵正漕者照章僅解天津撥價及箇兒錢兩項至廳倉茶果等款仍不批解以示

區別江北自應循辦

以上同治八年

一天津官撥船隻腳價經直隸總督以撥船苦累奏准自同治十一年爲始無論海運正供籌備撥船每裝米一百石加給腳價銀五兩江蘇省由漕項解支浙江省在於同治七年續增五分經費項下每石掣節銀二分五釐並於扣存給丁津租及行月等款內每石提撥二分五釐共合五分之數抵充新增北船撥價均不動用司庫正款仍將動用銀數按年於海運經費奏

結案內報部並於漕項奏銷冊內詳晰註明

一接運白糧民船守候口糧經直隸總督以商民困苦奏請每屆另籌銀一萬二千兩經部議准照蘇浙兩省白糧米數按石勾撥自同治十一年爲始江蘇省在於漕項內提撥浙江省在行月等款內動支仍逐款開報不在原定入錢數內均不動用司款仍將動用銀數於海運經費奏結案內報部並於漕項奏銷冊內詳晰註

明

以上同  
治十年



一南省批解海運經費每漕米百石支給飯米折色銀二兩五錢八分七釐五毫一半津貼銀一兩一錢二分五釐白米則僅有飯米折色一款此項銀兩原因經紀赴津起米承運至通而設今南省議將經費免解固與立法本意相符惟經紀等領款奏請減成支給以所減之銀爲該役抵補長支及應賠掣欠雜款等用實領無幾專恃海運經費一項津貼接濟查海運章程經紀赴津起米運通每漕米一石給與耗米一

升五合白米一石給與耗米一升八合本年運  
運章程議將經紀耗米無論漕白概以一升支  
給所餘五合入合作爲南省運通折耗今此項  
經費銀兩應均半辦理將海運經費之漕白糧  
飯米折色及漕糧之一半津貼等銀按照原數  
以一半留爲南省運通經費一半解北爲通壩  
外起裏運之資則南北漕兩得其平銀與米辦  
法一律而通庫扣款不致無著運務亦免貽誤

同治十  
三年

欽定戶部漕運全書卷九十四目錄

海運事宜

沙船事故

沙船禁令

輪船搭運

賠補米石

沙船事故

一沙船裝米遭風損壞改派別船攬裝並分別  
加裝別船以符起運全數於給發聯單內逐一  
註明分咨辦理

道光二十八年

一江蘇謝得春商船行抵山東榮城縣外洋遭  
風觸礁除撈獲米石變價銀兩存儲候撥外其  
餘沈失及撈獲不堪變賣之米准予豁免並由  
該糧道動支隨帶經費在津收買餘米補足運  
通交倉

一江蘇姜福高商船裝運武進縣漕米七百餘石行抵山東海陽縣洋面遭風砍折桅舵將船擊碎船內漕米照票俱被漂沒所失漕米照案免令船商賠繳其短缺米數應令該省籌辦彌補嗣據江蘇糧道將失事各船漕米按照稟米例價每石以一兩四錢折銀解部交納

以上咸豐三年

一張廣發商船裝運江蘇金山縣截漕正耗米九百九十六石五合三勺駛至山東文登縣洋面遭風據報米石盡行沉失並未折桅傷人與

海運豁免成案砍桅鬆艙者有間應令該船戶

全數認賠每石以銀一兩六錢賠繳由天津縣

將繳足銀兩買米運通交納

咸豐四年

一江蘇漕船高福利被風擱淺鬆艙拋棄漕米

一百餘石查勘鬆艙屬實惟桅舵並未損壞雖

因擱淺究屬駕駛不慎所失米石船戶於抵津

後照數賠補

同治四年

一江蘇商船彭長順在黑水洋遭風船桅船幫

均被風浪損壞船將沈溺隨將艙內米石拋棄

約一百四五十石船戶情願認賠咨由津局覈

辦

同治四年

一江蘇孫遐福商船承運吳江縣漕米一千四百餘石行至西沽地方因讓避輪船誤觸舊沈船桅發漏搶起溼米九百餘石不堪運倉已經羅變繳價另於籌備餘米內補足交倉其漂失米四百餘石經江蘇巡撫查明奏准該船實係讓避觸沈並非駕駛不慎現在板片在津拆變用盡無力賠補所有短交米四百餘石無關正

供奏准免其賠繳

同治五年

一屢年順商船在山東霑化縣洋面遭風該縣

稟報遲延經山東巡撫奏准交部議處

同治六年

一同治五年江蘇省海運案內沈文茂商船裝

運吳江縣白糧一千二百九十餘石駛至山東

省榮成縣洋面遭風擊沈經東撫奏報訊據耆

舵水手供出曾在東省海口兩次盜賣米六百

餘石並於出口時先已虧空米二百九十餘石

議令查取辦運職名彙辦嗣經蘇撫將結保牙



行朱通裕革除並查取總司兌運事務同知嚴錫康等四員職名送議聲明該員等承辦運務尙有微勞本應給獎今於該船盜賣米石失於覺察究屬疏忽除扣除獎叙外仍照例議處其船戶盜賣並虧短共米八百九十餘石仍飭令趕緊買補隨同下屆搭運交納

一吏部查辦運各員催船草率以致船戶舞弊並無作何議處明文自應比例辦理請將總司兌運事務之松海防同知嚴錫康上海縣知縣

王宗濂黃浦江一帶巡查彈壓之署上海縣主簿候補府經歷陳元燮吳淞口駐守查驗之寶山縣主簿王鏊均比照重運入境州縣往來巡察失察盜賣一起至三起米數已在一百石以上州縣官降一級調用例各議以降一級調用俱係公罪奏明准其抵銷

以上同  
治七年

一江蘇王永發商船在不知地名洋面遭風折桅拋棄漕米八十二石收口停泊報經膠州勘驗船桅已折蓬索亦有損傷所裝之米有拋棄

形跡惟原裝貨物並未拋棄責令該船戶將所

拋漕米照章如數賠補

同治八年

# 沙船禁令

一江浙二省及江北所屬海運漕糧沙船准令  
八成載米二成載貨免予納稅至所裝二成貨  
物帶有洋藥照水路每百觔徵銀三十兩於江  
海關二成貨單內逐一註明洋藥字樣如在洋  
遭風除砍桅鬆艚驗明糧貨俱損仍奏明豁免  
如貨物並未拋棄獨棄官糧者雖鬆艚屬實短  
少米石仍令該船戶賠補至應給商耗米每漕  
米一石給米八升白糧一石給米一斗原係到

津賠補氣頭艙底及霉變米石之用部議飭令  
備帶本色不准折價如有霉變短欠卽令如數  
補足仍有贏餘在津自行變賣嗣於咸豐五年  
部議將該商應得耗米由津局按照市價收買  
三成不准短缺

咸豐元年  
同治六年

一沙衛各船赴津交米後如往天津牛莊奉天  
山東各口販運北地貨物由津局查明承運米  
石交清後方准填給全免稅銀印單持赴各關  
呈驗放行如交米不清之船一概不准給照

同治

六年

一江北海運沙船在洋遭風失事及霉變運到等米均以本屆籌備餘米並上屆存倉米數抵補交足具報全完續到米船由天津道驗運交倉另檔存記留抵下屆正供之用

同治八年

輪船搭運

一江蘇宜興荆溪丹陽金壇溧陽五縣同治六年分田捐提銀採買米三萬石用夾板船運津照沙船裝漕之例每千石隨耗八十石備帶餘米二十石撥船食耗十一石五斗並照海運正漕採買各案每米百石給津通撥價銀八兩一錢四釐通倉箇兒錢折銀二兩水腳銀數照沙衛船之例一律給銀五錢五分其起棧一切經費每石給銀七分保險每石給銀三分統計每

石共給銀六錢五分如有遭風拋失卽令全行  
賠補以上各項銀兩惟水腳內續增之一錢五  
分起棧七分保險三分准於海運經費每石七  
錢之外照數給發其餘一切費用俱包括於每  
石七錢之內不准絲毫浮溢至裝米洋船如有  
未抵紫竹林卽行起棧之米仍令承運號商自  
行出賣將米全數撥至紫竹林聽候驗米大臣  
及三口通商大臣會同驗收仍責成經紀承起  
承運所有經紀耗米及廳倉茶果銀兩三項免



其籌解至飯米折色一半津貼兩項銀兩仍令

該省如數籌備以便給發

同治七年

一各屬糧米派裝輪船應由海運滬局先期酌  
派縣分俟該縣糧米運到卽填單知照輪船商  
局酌派執事至龍王廟外局會同詳驗米色務  
須一律乾潔方准收兌由輪船局押赴浦江東  
棧斛收儻有潮雜之米卽由海運局監兌委員  
報局押令分別風晾更換以重漕運

一輪船轉運米石每月每船可運兩次而各屬

撥船恐難計日而到如撥船到滬輪船未回應  
將米石先行囤棧以免守候又輪船運米抵津  
或驗米大臣尙未蒞臨或津撥轉運不及一時  
未能驗卸亦應起儲津棧以便該輪船迅速回  
南接運所有滬津局兩處應需棧費及上下夫  
力等項均歸輪船商局自認與海運局無涉  
一輪船運米抵津雖有棧房可以暫儲而兩省  
糧米爲數較多勢難全行囤儲應飭知海運津  
局各員董早赴天津開局定於二月十五日以

前稟請

欽憲提前驗收以免壅滯

一輪船協運江浙兩省糧米自應分別先後挨次裝運令輪船商局於各海運滬局派兌糧米時卽將某日兌收某項糧米掣給兌米收單其裝運之次序卽按兌收之先後爲準仍於米袋之上籤用某省漕白糧米字樣竹牌以便識認而示區別

一海運糧米除白糧一項各屬本有蔴袋裝盛

外其漕糧米石兌交沙甯各船向係散裝並無  
蔴袋此次輪船裝運漕米亦應用蔴袋裝盛以  
便抵津易於起卸所需袋價等項均歸商局籌  
備與海運局無涉惟此項蔴袋於裝米抵津後  
應仍發交輪船帶回以作下次裝米之用毋庸  
連米交倉

一沙甯等船承運漕白糧米每石給水腳曹平  
銀五錢五分內扣公費銀一分實給曹平銀五  
錢四分此外苫蓋墊艙席竹氣筒鐵釘折價每

石曹平銀一分六釐內扣銀一釐六毫實給曹  
平銀一分四釐四毫又天津海口雇用緯夫每  
石錢四文內扣錢四毫實給錢三文六毫回空  
挖泥壓載應用鐵鍬土筐每船錢一千文神福  
每船銀四兩着舵每船各一名每名各賞犒銀  
一兩副舵每船一名給銀六錢水手每名給銀  
三錢每裝米百石准開水手一名以上各款均  
係隨米支給此次輪船運米自應一律支給惟  
輪船裝載米數多寡不一舵水人等亦與沙甯

船不同准令裝運米三千石作爲一船按數覈計分別開支所有輪船水手辛工並油煤等項卽在前項各款內給發又輪船停泊碼頭及到津領港等費並輪船駛進津口或遇擱淺如須起撥等事亦均由商局自行料理與各海運局無涉

一沙甯船承運漕糧每石給耗米八升白糧每石給耗米一斗節令運津以補正米之不足仍將漕糧商耗覈出六成白糧覈出三成由津局

給價收買隨正交運此次輪船裝運之米自應一律辦理儻正米或有虧短應由輪船商局照數賠補

一沙甯船承運漕糧以八成裝米二成帶貨免予輸稅如帶有洋藥及二成之外另帶餘貨仍應照章納稅其二成貨物按米石計算以一百二十斤爲一石今輪船運米均應援照辦理

一各口貿易輪船向有洋行保險之說此次商局置備輪船船身堅固器具精良似可毋須保

險其運米在途設有鬆船等事悉照沙甯船章程辦理毋庸另議更章

一沙甯等船承運糧米向由海運滬局填給三聯印單以便抵津憑單交米此次以輪船裝運之米事同一律自應援照辦理運米三千石作爲一船卽填給聯單一紙以憑到津稽覈惟沙甯等船向有領銀領米各結此次輪船應以收到銀米回文爲憑毋須再行具結以歸簡便

一派裝輪船糧米爲數旣多寡不同起運亦遲



早不一自應於上棧時卽由海運滬局派員認真監兌一俟兌竣卽由輪船商局掣給收米回文海運滬局卽爲竣事以後如何裝船如何起運應由商局隨時酌覈辦理運局不再與聞以免牽制

一沙甯等船承運無悞向於事竣彙案詳請奏獎今輪船亦應於運務告竣後由商局覈明急公承運各商援案移會海運滬局彙詳請獎以

昭激勵

以上同治十二年

賠補米石

一道光二十八年欽奉

上諭李嘉端奏撥船虧短米石請旨查辦一摺海運漕糧現在抵通各起均有欠交米石中途節節弊端難以懸揣著朱鳳標德誠於撥船回天津時提傳船戶確切查覈分別賠補足額奏明搭運交納毋稍短缺餘著照所擬辦理該部知道欽此

一道光二十八年欽奉

上諭前據李嘉端奏撥船虧短米石請旨查辦當交朱

鳳標德誠確切查覈茲據該侍郎等奏請分別賠補並另片奏籌防弊端各等語該撥船虧短米石雖訊無經紀串通情事究屬承運不慎著卽查照成案責令經紀撥船分別賠補其經紀應賠之米卽於秬米內扣除再將餘米留抵掣欠至撥船應賠之米著責成海運總局清河天津兩道卽行追繳總於沙船卸米未經竣事以前一律搭運不准稍有遲延短缺所有各船戶虧短至六石及六石以上者除按數追賠外仍行枷示河干以示懲儆惟撥船由津運通數日

之中輒敢虧短米石多寡不等其積弊已可概見儻不嚴行防範則乾潔必藉口於收縮足數不免使水攙和弊端疊爲乘除實屬可惡嗣後著駐通倉場侍郎於撥船起卸米石如稍有折耗卽照前案責令經紀撥船各半分賠若每船短至四石及四石以上並有潮溼攙雜等弊卽將短缺潮溼米石最多之船戶先行送交刑部嚴究懲辦一面咨行天津迅速賠補餘著照所擬辦理該部知道欽此

一撥船虧短米石經驗米大臣奏准責令船戶

及承運經紀各半分賠除經紀應賠一半米石在於應得耗米內由坐糧廳按數劃抵外其船戶應賠一半米石應由天津海運總局追齊查

驗運通交納

道光二十八年

一經紀撥船各半分賠米石經驗米大臣奏明軍白糧經紀應得耗米抵補欠交漕白糧米抵有贏餘儘數留抵掣欠此項應賠米石責成通州坐糧廳按數扣抵仍於全數劃清後分晰漕白細數報部查覈至撥船應賠欠交米石除就

近在通補交外計在津撥船應賠米四千四百

三十二石九斗零卽劄飭清河天津兩道趕緊

追繳於沙船卸米未竣以前一律搭運

道光二十八年

一派撥易州白糧撥船漂溺江米一百九十二

石二斗九升四勺責令承運經書同船戶等各

半分賠經倉場查明該船戶等照數購備白粳

米抵補運通

咸豐四年

一運通撥船虧短米石經駐通驗米大臣倉場

侍郎崇綸李蔚等奏請定新章如由經紀查出

仍令船戶獨賠如未經查出除責令船戶獨賠  
外仍令經紀再賠二成按市價合銀呈交儻訊  
有通同舞弊仍責令經紀船戶各半分賠經

欽派大臣全慶廉兆綸查明具奏咸豐八年八月初八

日奉

上諭全慶廉兆綸奏遵查撥船經紀賠繳成數意見不  
同各一摺向來由津承運到通虧短米石於道光二  
十八年五月間疊奉

諭旨撥船起卸米石如稍有折耗卽照前案責令經紀





例覈辦其現在承運經紀查明尙無通同舞弊情事至船戶所供經紀斛手人等有需索錢文等事著將該船戶解送刑部如訊有經紀舞弊無論在津在通一併指名咨提嚴訊懲辦欽此

一南皮縣船戶李萬倉重載撥船在東雙街地面被椿木碰沈船板分碎僅搶撈溼米二石有奇餘俱漂去將船戶管押赴通查辦所有漂失米石著落承運經紀分賠一半在於該經紀扣存津貼銀兩買補搭運其餘一半由直隸總局

迅速籌補於海運竣事以前趕緊搭運沈溺船

隻並飭該管州縣照例賠補

咸豐九年

一江蘇沙船張義利裝載太倉州漕米二千石  
內有黑丁洪斛米四百八十石應作為餘米運

倉另檔存記並責令糧道卽在籌備餘米內揀

選乾潔好米四百八十石劃抵運倉

同治四年

一天津撥船分賠一半欠米四十八石八斗六

升准倉場咨據天津道詳請在於籌備米內劃

抵正供全完作為短欠籌備於次年春間補交

運通經戶部覆准

同治五年

一江蘇平元福商船裝運長洲縣白糧一千六百五十石行至東沽口因乘風順流致觸他船貓齒發漏糧米沾溼約有九百餘石除驗明水浸過甚不堪支放之米駁回不收外其未經受潮白米作正兌收受潮變色顆粒尙整者以白抵粳作爲漕糧餘米兌收運通其漂失傷耗及駁回米石令該糧道籌補足額

同治八年

一天津撥船應分賠同治七年短欠正供平斛

粳米一萬六千四百八十八石零虧在撥船原  
應向各船戶著追因各船戶無力賠繳經天津  
道詳請由該道籌款墊買惟粳米非燕趙土產  
無從購覓戶部查照追繳倉虧按依時價本折  
兼收成案准令本折各半搭交其應交本色米  
石卽令迅速買補通通交納至應賠一半折色  
米八千二百四十四石零按照當時糧價倉糙  
粳米每石市平銀一兩六錢八分合庫平銀一  
兩六錢一分二釐覈計應交庫平銀一萬三千

二百八十九兩零劄令該道迅卽如數籌款徑

解部庫交納

同治八年

一添給撥船耗米一項係奏明隨正交倉之款  
各船戶運米完竣設有短欠仍照定章賠補先  
在船戶名下照常比追如實在無力賠補者由  
天津道查明短欠數目詳明倉場卽將交倉之  
耗米劃抵彌補此項撥耗祇准年抵年款不准  
以次年之耗米追抵上年之賠款

同治九年

一民船沈失白糧二百石經倉場侍郎以船戶

經紀分賠未爲平允奏請由部酌定章程戶部  
查沈溺與偷竊不同民船沈溺與官撥沈溺又  
不同緣官撥非船戶之船竟有任意偷盜經紀  
漫不經心乘間鑿沈者是以經撥分賠至民船  
係船戶私船未有不自愛惜故意鑿沈之理嗣  
後如有民船裝運白糧因沈船失米者由倉場  
侍郎另訊確情隨時奏明辦理無庸循經撥分  
賠之例至白糧民船向由天津道招募挑選承  
運設以後日漸虧欠除米石追賠外仍由倉場

將天津道奏叅懲處

同治十一年